

Rizumu di Avizu di Kompensason

Janeru di 2023:

Kenha ki divia lé keli?

Lé keli si sta kandidata ou obten abrigo di EA di Dipartamentu di Abitason i Dizinvovimentu Kumunitáriu (DHCD).

Sobri kuze ki é és rizumu?

Ten un prusesu di ason kuletiva kontra DHCD sobri prugrama di abrigo di EA. Kazu ki txoma Garcia vs. DHCD. DHCD konkorda na fazi alterasons pa tenta midjora prugrama di abrigo di EA. Kel akordu ki txoma Akordu di Kompensason. Na 28 di Marsu di 2023, juiz ta realiza un audiênsia pa disidi si ta aprova Akordu. Mas primeru, membrus di klasi têm direitu di preñdi sobri Akordu i fla juiz si és diskorda di kualker parti. Kel rizumu li ta flau sobri Akordu i kuze pa fazi si bu diskorda.

Kel kazu li é sobri kuze?

Na Dizenbru di 2016, un grupu di famílias sem-abrigo fazi un prusesu judicial di ason kuletiva kontra DHCD. És ki sta fazi Kexa. Sés kazu é sobri prusesu pa famílias entra na abrigus, na poi famílias próximus di sés kumunidades di origem i skolas infantil, i ten lugaris di abrigo más adikuadus pa pisoas ku difisiênsia.

Kenha ki é membru di klasi?

Aula ta inklui tudu ki sta em abrigo EA ou ki têm un Interrupson temporária di abrigo di imirgênsia (TESI). klasi também ta inklui tudu ki se kandidata a abrigo di EA i ka foi negadu. Tanbé é ta inklui pisoas ki tenta kandidata a abrigo di EA, mas ka konsegu entra. Mas ka ta inklui pisoas ki sulisita abrigo di EA i foi negadus, si é rikori di negason i perdi sés rikursu, ou si prazu di rikursu dja passa.

Ten tanbé un sub-klasi. Sub-klasi ta inklui tudu famílias ki sta na klasi, ki é iligivil pa abrigo EA, i ki têm un membru di família ki tem un difisiênsia.

Kuze ki sta na Akordu?

Prinsipal alterasons ki DHCD pretendi fazi é:

- DHCD ta fasilita prusesu di kandidatura. Bu ta podi dexa un mensagen di voz em vez di spera na xamada. DHCD ta liga di volta na mesmu dia. Si bu liga tardi, DHCD podi txomau di volta na dia útil siguinti. Tanbé bu ta podi kandidata prizensialmenti na gabineti di DHCD.
- Kuandu pisoas kandidata a abrigu, DHCD ta pergunta si és mesti di ajuda pamodi difisiênsias ou kapasidadi limitadu em Inglês ou otus razons.
- DHCD ta dexa famílias entra na abrigu mesmu ki ka ten tudu sés dukumentus. Mas primeru kada família tera di provar três coisas: sés identidadis, rilason entri otus, i ki pelu menus un membru di família é rizidenti di Massachusetts.
- Si famílias for iligivil pa abrigu i kontata DHCD pa un sertu ora pur dia, DHCD ta garanti ki podi ten un lugar siguru pa fika na és noite.
- DHCD ta ta poi mas fasil sulisita alojamentu pa difisientis. DHCD ta djuda pisoas ku papelada. DHCD ta akunpanha pisoas ki sta spera di un alojamentu. Pa famílias ku difisiênsia, DHCD ta fasilita ivita inkumprimentus i risizons.
- Txeu famílias mesti di un transferênsia di abrigu pa és podi sta més próximus di sés kumunidadi di origem, ou más próximus di skolas di sés fidjus, ou pur kauza di difisiênsias. DHCD ta midjora sés sistemas pa transferênsias di abrigu. É ta akunpanha pisoas ki sta spera di un transfirênsia. É ta uza prioridadis klarus pa torna lista di spera di transferênsia más justu pussivil.
- Inkuantu famílias sta spera un transferênsia, DHCD podi transfiri pa un kuartu di otel, ou djuda-s ku transporti, ou ta da-s alguns prutesons kontra inkumprimentus i risizons.
- DHCD ta tenta ranja novus abrigus na diferentis partis di stadu, si txeu famílias sta spera di transferênsias.
- DHCD ta kumunika informasons importantis di forma más klaru.

Akordu ta ten provavelmenti durason di 4 a 5 anus. Duranti és tenpu, DHCD ta da informasons pa advogadus di Pisoa ki sta Kexa pa és podi sertifika ki DHCD ta fazi ki és konkorda na fazi. Além di keli, juiz ta ten puder di garanti ki DHCD sigui Akordu.

DHCD ta paga \$1,5 milhões di dólares pa advogadus di Pisoas ki sta fazi Kexa pa onorárius di advogadus i pa dispezas dja pagu pa advogadus di Pisoas ki sta fazi Kexa.

Kuze ki keli signifika pa mi komu membru di klassi?

Si juiz aprova Akordu, tudu membrus di klasi ta fika vinkuladus pa sés termus. Keli signifika ki bu ka podi prusessa DHCD pa tenta poi DHCD altera sés sistemas pa kuzas abrangidus pa Akordu, inkuantu Akordu sta em vigor. Ainda bu podi prusessa DHCD si é viola sés direitus legal individual.

Si bu konkorda ku Akordu, bu ka mesti di fazi nada. Si for aprova, bu ta ten binifisius di Akordu. Si bu ka konkorda ku ninhun parti di Akordu, bu podi rijeita.

Audiensia di Justisa

Ta ten un Audiência di Justisa na dia 28 di Marsu di 2023, 2:00 p.m., peranti juiz Douglas Wilkins na Tribunal 25 di Tribunal Superior di Kondadu di Norfolk, 650 High Street, Dedham, MA 02026. Juiz ta obi objesons ou otus diklarasons antis di disidi si ta aprova Akordu. Na audiência, juiz ta disidi tanbé kuantia taxa di advogadus, kazu ten, pa ser pagu pa advogadus di Pisoas ki sta fazi Kexa.

Kuze ki M devi fazi si m kré rijeita i/ou fala na Audiência di Justisa?

Si bu kré fla juiz ki bu diskorda di kualker parti di Akordu, ki ta inklui pagamentu di dispezas di advogadus, ou si tiver algu más pa fla juiz sobri Akordu, bu devi manda juiz un diklarason ti 20 di Marsu di 2023.

Diklarason devi fla nomi di prusesu judicial (Rosanna Garsia et al. vs. Dipartamentu di Abitason i Dizinvovimentu Kumunitáriu, 16-84-CV-03768); bu nomi i inderesu; ku kuze ki bu discorda kuel i pamodi, ou kuze ki bu kré fla na audiência. Si bu sta skrevi sobri un rijeison, fla si bu kré fla algum kuza pa juiz na audiência.

Manda diklarason original pa: Suffolk County Superior Court, Attn: Margaret Buckley, 3 Pemberton Square, Boston, MA 02108.

Manda un kópia di diklarason pa: Laura Massie, Greater Boston Legal Services, 197 Friend St., Boston, MA 02114. Tanbé bu podi manda pa e-mail pa Lmassie@gbls.org.

Si bu ka puder manda un diklarason ou perdi prazu, ainda bu podi bai pa audiência na dia 28 di Marsu di 2023. Pidi juiz pa dispensau di rikizitus i splika pamodi ki bu ka pudia manda bu depoimentu na prazu. Juiz podi altera kualker un di prazus na és avizu si bu mostra un boa kauza.

Modi ki M podi ten más informasons?

Si bu teni dúvidas ou kré un kópia di Akordu, kontata Laura Massie na Greater Boston Legal Services (GBLS), 197 Friend Street, Boston, MA 02114; (844) 625-7313, **MassRelay** 711, toll-free (800) 323-3205; or by email:

Lmassie@gbls.org. Akordu tanbé é publikadu online na www.MAShelterSettlement.com.

Formatted: Not Highlight